



Sabtu, 03 April 2021

Ogen: Matius 27:62-66



ERJAGA-JAGA



Sekali jadi ibas sada biara, lit telu kalak calon biarawan si nandangi itangkuhken. Biasana ope itangkuhken, calon biara e arus nasak batang nangka siicelupken uis mbentar ku bas lau penanggeren e, sedekah 3 wari 3 berngi. Uis eme denggo jadi uisna. Belanga penganggeren e iger-geri janah la banci tadingken, kentisik pe lah gia. Emaka kenca 2 wari 1 berngi, nggo ngalah kel akap teluna calon biara ndai perban la ia tunduh ngoratken uisna ndai. Lit me sekalak biksu tua, itawarkenna bana guna nampati kalak ndai, meriah kel ukurna teluna lawes me ia tunduh. Sada berngi ah ndai biksu tua ndai njagai api tetap gara janah nggaweri lau bas belanga ndai. Kenca terang reh me sitelu kalak ndai, ngataken bujur sebab nggo banci ia pekesahken janah nggo ergegeh ndungi dahinna. Emaka iusur-usurna ka njagai api tetap gara ras ngger-ger uisna ndai seh wari pe 3 ken. Emaka nggo jadi uis si nggo lit warnana guna ipakena.

Bageme pe kita bas geluhta enda iajuk guna tetap erjaga-jaga, bagi perajurit-prajurit siisuruh njagai kuburen Tuhan Jesus. Sebab adi la ijagai mbiar raja mayitna itangko ajar-ajar Tuhan. Wari enda Sabtu pengarapen, kenca mait Jesus pindo Jusup Arimatea, ipesusur, ikuburken sope keke, ije me prajurit-prajurit e erjaga-jaga.

Mbue kel si man jagan bas geluhta enda. Tapi arus sieteh kai si mehergana, eme kinitekenta. Eme sierbahanca kita ngasup ngalaken siugapana pe bas geluhta enda. Semangat rohani e ola nimpet. Eme alu metenget kita ola sempat tertunduh, ntah pe munduk-unduk kiniteken e, janah alu rutin ndahi Tuhan mindo penampatNa. Sebab alu penampatNa me maka kita atan ras ngasup erjaga-jaga nandangi kinitekenta e, gelah sialoken kegeluhen situhu-tuhu.